

SCRIPT OF EVENING GOJRI NEWS BULLETIN 7MAY 2025

1700HRS

اونینگ گو جری نیوز بلیٹن مورخہ 7 مئی 2025

یوہ آکا شوانی جموں ہے نصرت تے ظفر کوبلی تیں خبر سُنو۔

HEADLINES

۱۔ وزیر اعظم نریندر مودی نے مسلح افواج غی بہادری غی ستایش کرتا واں کہیو ہے جے اپریشن سندھور غے تحت کسے پاکستانی شہری اقتصادی یا فوجی اہداف نانہ نشنو نی بنایو گیو ہے صرف دہشت گردی غا معروف کیمپاں نانہ نشانو بنایو گیو ہے۔

۲۔ مرکزی وزیر داخلہ امت شاہ نے وزیر اعلیٰ تے ایل جی موصوفان تے پولیس غا تمام ڈی جی پی تے سرحدی ریاستان غا چیف سیکرٹریاں سنگ اعلیٰ سطح میٹنگ غی صدارت کی۔

۳۔ لیفٹیننٹ گورنر منوج سنہا نے جموں کشمیر مانہ سرحدی صورتحال گو جی یزو لیو تے تمام ضلع ترقیاتی افسران نانہ کہیو جے دیہاتیاں لوکاں نانہ کمزور علاقان بچوں محفوظ جگہ منتقل کیو جے۔

۴۔ وزیر اعلیٰ عمر عبداللہ نے سرحدی اضلاع غی صورتحال غوجا یزو لین واسطے ایک ہنگامی میٹنگ طلب کی تے سرحدی اضلاع واسطے فوری طور ۵ کروڑ روپیہ جاری کرن غی ہدایت کی۔

۵۔ کابینہ نے جی۔ پی۔ جی جموں غی توسیع نانہ منظوری دتی ایل جی موصوف نے تعلیمی تحقیقی ڈھانچہ نانہ فروغ دین واسطے وزیر اعظم مودی گو شکریو ادا کیو۔

OPERATION SINDOOR

بھارتی مسلح افواج نے آدھی رات تیں بعد سندھور مہم غو آغاز کیو جس مانہ پاکستان تے پاکستان غے زیر قبضہ جموں کشمیر مانہ دہشت گردان غا ٹھانچہ نانہ نشانو بنایو جتوں بھارت ور حملہ غی منصوبہ بندی کی گئی تھی یہ کارروائی ۹ دہشت گردان غا ٹھکانہ ور کی گئی وزارت دفاع نے اپنا بیان مانہ کہیو کہ پاکستانی فوج غی جگہاں ور حملہ نی کیا گیا اس تیں دسے کہ بھارت نے احتیاط تیں تے امن غے نال قدم چایو ہے اج نوی دہلی مانہ مہم غی تفصیلات دستان واں خارجہ سیکرٹری وکرم مسری نے اس طرح کہیو۔ سندھور مہم گزشتہ رات ۱ بج غے ۵ منٹ تیں ڈیڈھ بجے غے بشکار انجام دتی گئی اپریشن غی تفصیلات دستان واں بھارتی فوج غی کرنل سوفیہ قریشی تے فضائیہ غی سنگ کمانڈر ویمکا سنگھ نے دسیو کہ یاہ مہم پہلگام دہشت گرد حملہ غا متاثرین نانہ انساف دوان واسطے کیو گیو۔ کرنل سوفیہ قریشی نے مزید اس طرح کہیو۔

PM CABINET

وزیر اعظم نریندر مودی نے اج نوی دہلی مانہ مرکزی کابینہ غی بیٹھک مانہ کہیو جے اپریشن سندھور نانہ کامیابی سنگ انجام دینواسطے مسلح افواج غی تعریف کی۔ انہاں نے پہلگام دہشت گردانہ حملہ غے بعد رات بھر اس اپریشن سندھور غو نگرانی کی سرکار نے کل سویرے ۱۱ بجے ساری سیاسی پارٹیاں غی میٹنگ بلائی ہے تانجے رہنماواں نانہ اپریشن سندھور غی تفصیلات تے نتایج توں آگاہ کیو جاسکے۔

MODI PREZ

وزیر اعظم نریندر مودی نے آج دوپہر مانہ راشٹریتی بھون مانہ صدر جمہوریہ محترمہ درویدی مرموتیں ملاقات جے یہ ملاقات پاکستان غا زیر قبضہ جموں کشمیر مانہ دہشت گردان غا ٹھکانہ ور سندھور مہم انجام دین تیں بعد ہوا سماجی میڈیا ور صدر جمہوریہ نے دسیو کہ اس ملاقات مانہ وزیر اعظم نے انہاں نانہ مہم سندھور غا بارا مانہ تفصیلاً جانکاری دتی۔

HM MEET

مرکزی وزیر داخلہ امت شاہ نے آج ایک اعلیٰ سطحی میٹنگ کی جس مانہ ملک غی سرحدی ریاستان غا وزیر اعلیٰ پولیس غا سربراہاں تے چید سیکرٹریاں نے شرکت کی۔ یہ میٹنگ سندھور اپریشن تیں بعد پیدا ہون آلا کشیدگی صورتحال ور پیش نظر حفاظت گو جٹا یزو لین واسطے بلائی کئی تھی۔ جموں کشمیر پنجاب گجرات اترکھند اتر پردیش بہار سکم تے مغربی بنگال گا ورا اعلیٰ غے نال نال لداخ تے جموں کشمیر غا لیفٹیننٹ گورنر وی اس میٹنگ مانہ شامل ہوا۔ اس تیں پہلاں شاہ نے جموں کشمیر گا لیفٹیننٹ گورنر منوج سنہا تے سابق وزیر اعلیٰ عمر عبداللہ تیں حفاظتی صورتحال ور گل بات کی زر اعلیٰ غے مطابق امت شاہ نے سرحدی سلامتی دستان گا دیکٹر جنرل نانہ ہدایت دتی کہ سرحدی علاقان مانہ رہن آلا لوکان غا تحفظ واسطے تمام اقدامات کریں کہ عام لوکان غی حفاظت حکومت غی سب تیں بری ترجیح ہے وزیر داخلہ نے نیم فوجی دستان غا سربراہاں نانہ وی حکم دتو کہ جہیڑا اہلکار چھٹی ور ہیں انہاں نانہ فوراً واپس بلاو جے۔

LOCALS

مقامی لوکان نے دہشت گردان غے خلاف بھارتی فوج غی مہم سندھور غی کارواں نانہ سہراو ہے آکاشوانی غا خبران آلا شعبہ سنگ گل کرتا وان مقامی لوکان نے اپنا خیالات غو اظہار کرتا وان اس طرح کہیو۔

LG REVIEW

موجودہ صورتحال غے پیش نظر لیفٹیننٹ گورنر منوج سنہا نے تمام اعلیٰ انتظامیہ پولیس تے ضلعی عہدے داران سمیت تمام سرحدی ضلاع غ اترقیاتی کمشنراں غے سنگ جموں کشمیر یو تی غا سرحدان غی صورتحال گو جٹا یزو لیو۔ ایک سماجی میڈیا پوسٹ مانہ ایل جی موصوف نے کہیو ہے جے وے صورتحال ور گہری نظر رکھیا ویں ہیں انہاں نے مزید کہیو جے حکومت کسے وی صورتحال سنگ نمٹن واسطے پوری طرح تیار ہے۔ انہاں نے تمام ضلعی غا اترقیاتی کمشنراں نانہ وی ہدایت دتی ہیں جے وے دیہات مانہ رہ رہیا لوکان نانہ کسے محفوظ جگہ ور منتقل کریں تے رہا ش قیام خواراک طبی تے نقل و حمل کرن نانہ یقینی بناوین ایل جی موصوف نے اس گل غی تصدیق کی جے انتظامیہ ہر شہری غی حفاظت نانہ یقینی بناوے گی۔

CM EMERGENCY MEET

وزیر اعلیٰ عمر عبداللہ نے آج سرحدی ضلاع جموں پونچھ راجوری کٹھوعہ سانہ بارہمولہ کپواڑہ تے بانڈی پورہ غا ضلع اترقیاتی کمشنراں غے سنگ ایک ہنگامی ویڈیو کانفرنس کی تانجے سرحد پار توں شدید گولہ باری غے درمیان صورتحال گو جٹا یزو لیو جاسکے انہاں

نے ہنگامی تیاریاں واسطے ہر سرحدی ضلع نانہہ ۵ کروڑ روپیہ تے دیگر ضلاع نانہہ ۲ کروڑ روپیہ فوری طور ور جاری کرن غی ہدایت فتی وزیر اعلیٰ نے شہریاں غی زندگیاں غا تحفظ بنیادی ڈھانچہ نانہہ مضبوط بنان تے ہر سطح ور مناسب وسائل تے ہم آہنگی غے سنگ اُبھر تا للکاراں گا فوری جواب نانہہ یقینی بنان ور زور دتو دیرن اثناء اپریشن سندھور غا بارہ مانہہ رد عمل دیتا واں وزیر اعلیٰ عمر عبداللہ نے اس طرح کہیو۔

JK KILLED

پاکستان تے پاکستان مقبوضہ جموں کشمیر مانہہ دہشت گردی غا اہداف ور بھارت غا میزائل حملوں غے بعد پاکستانی فوج نے قبضہ لکیر غے نیڑے جموں کشمیر مانہہ متی تعداد مانہہ توپ خانہ تے گولہ باری غا نتیجہ مانہہ 12 عام شہری ہلاک تے ۱۴ دیگر زخمی ہو گیا ہیں سب توں زیادہ متاثر ضلع پونچھ رہیو جت تمام ہلاکت ہوی گولہ باری نے رہا شیاں نانہہ بنکران تے محفوظ مقامات ور جانواسطے مجبور کیو اس سلسلہ مانہہ پونچھ بارہمولہ غا آری تے راجوری غا متعدد سیکٹراں مانہہ سرحد پار توں گولی باری غی اطلاع موصول ہوی ہے انتظامیہ نے بدتی کشیدگی غے بشکار جموں سانہہ کٹھوعہ راجوری تے پونچھ ضلاع مانہہ اج تمام تعلیمی اداراں نانہہ بند رکھن غو حکم دتو ہے۔

IIT JAMMU EXPANSION

مرکزی کابینہ نے آی ٹی جی جموں تے ملک غا دیگر آی ٹی جی ۴ آی ٹی جی مانہہ تعلیمی تے ڈھانچہ غی سہولیات نانہہ بدھان غی منظوری دے دتی ہے اس فیصلہ تیں ۶ ہزار ۵ سو تیں زیادہ طلبہ نانہہ بہتر سہولیات تیں فائدہ ملے گو۔ آی ٹی جی جموں مانہہ ایک جدید ریسرچ پارک وی بنایو جے غو جس گو مقصد صنعت تے تعلیمی اداراں غے بشکار تعاون نانہہ فروغ دینو تے جدت لیانو ہے۔ لیفٹیننٹ گورنر منوج سنہا نے وزیر اعظم نریندر مودی گو شکریو ادا کیو کہ انہاں نے آی ٹی جی تی جموں غی ترقی نانہہ منظوری دتی۔

JAMMU POLICE ADVISORY

جموں پولیس نے تمام شہریاں نانہہ سختی سنگ مشورو دتو ہے جے وے حفاظت غی نقل وحرکت توں متعلق کسے وی حساس مواد نانہہ اگے پھیلان تے اہلود کرن توں باز ریں اس طرز غا اقدامات قومی سلامتی واسطے سنگین خطرو ہیں تے اس کا سخت قانونی نتیجہ برآمد ویں گا رہا شیاں نانہہ گزارش کی گئی ہے جے وے زمرہ داری نال کام کریں تے قانون نافذ کرن آلا اداراں غے سنگ مکمل تعاون کریں قابل ذکر ہے جے یاہ اپیل حفاظت غا بدھتا خدشات غے درمیان سامنے آی ہے حکام نے اس اہم وقت غے دوران امن نانہہ برقرار رکھن تے عوام غی حفاظت غی ضرورت ور زور دتو ہے اجماعی سلامتی واسطے عوام غی طرفوں چوکسی تے تحمل ضروری ہے۔
